

靈寶六丁秘法

五三

黃帝曰一炁既分陰陽得位五行配定六甲生焉是以一甲十神共六丁者乃六甲旬直神已與天地各生自歎戰蚩尤不勝乃紊亂綱紀遂齋潔虔行敬仰告上玄感降九天玄女受此真訣令却去凶害濟物利人黃帝修之有功戰蚩尤即以素白篆符藏諸名山後世人歎有之此法即有神功不具說若人輕傳便易冒觸真靈兩具受殃此道法門度世奇訣古者名將皆受此訣是以逆知勝負預曉吉凶明是非聖賢皆有神助若非英雄達士宿有道緣莫過斯文枉淹歲月黃帝曰六甲六丁神女名字先以淨水滌淨穢氣然後乃得啓卷禱祝看之若有觸犯即殃及九祖長後三官亦且殘首毀形不得妄有漏泄於非道人從吾所戒萬願從心矣此事傳者如常如事嚴師慎口勿傳一不枉殺生命常行陰德慈心利物常慎行此口勿雜言但祭而使之預知未來之意察萬萬里之驗委曲之旨舉止一一並知若有事占而問之立知

之矣

登明河魁從魁春三月丁卯日攝之

太乙天罡太衝秋三月丁酉日攝之

傳送小吉騰光夏三月丁未日攝之

功曹大吉神后冬三月丁丑日攝之

若是丁未丁巳隨日旺宜應之各召而使之兩兩下在人間要知吉凶召而問之即說也

祭醮法

凡欲祭醮先用不觸淨席一領新布巾一條鹿脯六分菓子菓子六分新美酒酥蜜六合香一爐燭六枝先洒掃地一室鋪置訖少坐細說勿使人聞思神良久方可祝之曰

六丁玉女與我師接行天下舉事必勝洞曉往來邪惡不侵辟除不祥與子為友我常祀汝飲酒食菓脯隨其所願不得有違學道求仙隨心所請燒丹鍊藥必得遂成願降神仙與道合真急急如太上律令

祭醮六丁符法

用淨席一領手中一條六尺鹿脯酒果煎餅各六分香一爐洒掃一室鋪排訖從甲子日齋戒三日於淨室燒香虔心禱祝發願至六丁日亥時向旺方書六丁神像并符皆布於席上焚香稽首向東方叩齒三

十六通呪曰

天之所育地之所生上受神符可以長生仙人輔已玉女佐形二十八宿記列星名五方五色黑白赤青中央黃帝與我俱并受符之後所願如意破滅群精自知不真勿當吾具自知不神不當吾神前去封侯後出斬首急急如律令

凡作符先齋三日七日亦可書符時面向旺方端坐淨思神容如對念呪曰

謹請六丁仙吏丁卯神足日之丁酉神元天上丁亥神大明集丁酉神救飲靈丁未神乘紫雲丁巳神朱乘緹

經曰行此法皆須志心虔誠更莫起他念便將符依次第吞之其人心權然如有所曉至明朝還作符吞得七日後即於淨室

中結壇端坐具香華燈燭各一分書本位符及神名安於席上東向叩齒三十六通想五色雲氣之間乃見其神各於六門而入坐其座上不得執視但心念祈告所願之意其念必應

昔蚩尤作亂黃帝與蚩尤頻戰不尅帝曰吾開伏羲在位無兵治天下廓清乾坤康泰天下安寧今蚩尤一庶人也伐而無繼攻之不克吾之過也告敬未息目前忽覩五色雲自空中而來雲中有二童子持金函後有六仙女同於雲中奉九天玄女聖命與帝送造化之源天地之禍福八卦之衰旺風雲之變動氣候之成敗日月之勝負陰陽之得失星辰之臧否人情之逆順變化之理法帝乃長跪而受童子持雲而去六仙女已不見帝遂受得函未敢便看急洒掃一室治齋三日方始開函受得六丁訣一部上卷說供養醮祭之法中卷說長生不死之道下卷說強兵戰勝遁甲六壬玄女尸解之法帝乃依文告敬修之不

旬日似覺身異舉步飛行再約蚩尤交戰一鼓而滅却蚩尤於涿鹿之源豈不是得元炁精而除却妖氛也後感天下廓清乾坤得位陰陽不失其序帝遂修長生不死之術自製陰符經一卷藏隱機要後帝乃白日昇天其陰符云八卦甲子神機鬼藏便是六丁遁甲強兵戰勝之術是九天玄女術也

六丁隱遁法局
六丁者天地之正神也尋常青龍明堂太陰其神常隨玉女受使在天地之內如欲隱身令人乃一切物不見已者青龍日行到玉女即人不見也夫欲隱身左手持刀閉口右手畫四方圖子若惡人在外於門內局子六步惡人在門中便於庭作局子六步如惡人在中庭於室內作局子六尺若在田野作局子六丈用算子長一尺二寸連青龍上依次而行直放算子到天門上用右手橫算子一條閉天門而去閉天門了身已隱也每一算子存為一人玉女到太陰住存想外人已

不見也術曰居青龍歷達星過明堂住太陰出天門入地戶藏華蓋隱玉女急急如太上律令

丁卯隱人身丁巳隱人命丁亥隱人操丁百隱人魂丁未隱人魄丁丑隱人精神凡事於六丁日念呪六徧呪曰

仁高護我丁丑保我仁和度我丁酉保全仁燦管魂丁巳養神太陰華蓋地戶天門吾行禹安玄女真人明堂坐卧隱伏藏身急急如九天玄女律令

如每供養之物並自喫不得與外人切宜慎之每遇甲子日須齋戒一日

丁卯玉女名文伯字仁高神戴冠着禮衣手把蓮華上朱衣下青衣以子丑日下在人間要知吉凶召而問之

丁丑玉女名文公字仁貴其神兩手把蓮華上朱衣下黃衣以寅卯日下人間要知吉凶召而問之

丁亥玉女名文通字仁和右手把鏡自照拊心左手把蓮華上朱衣下紫衣以辰巳日下

人間要知吉凶召而問之

丁未玉女名叔通字仁黎左手把鏡照右手執蓮華上朱衣下黃衣以午未日下人間要知吉凶召而問之

丁巳玉女名庭卿字仁叔神左手把蓮華右

執白疊布巾上錦衣下赤衣以申酉日下人間要知吉凶召而問之

丁酉玉女名文卿字仁通神領一小兒在仙

手撫頭把白疊布巾上朱衣下白衣以戌亥日下人間要知吉凶召而問之

黃帝曰六丁神各有名字不同若欲使之各呼名字皆神驗也仙經曰六丁玉女神名能小耳呼名字而使之萬願從矣

隱遁十二時算子法

歌曰鼠行失穴入狗市牛入兔園因猫止猛虎跳梁雨到已免入牛欄伏不起龍入馬廐食甘草腰蛇宛轉來中裏馬入龍泉飲甘水羊鷄鳥處入酉裏猴起健猪門內鷄飛落狗羊欄裏狗來鼠入坎穴中猴猪東遊虎所牽每行出時須呪曰

天反地覆天反地覆九道皆塞空有人來追我者從此而惑以東為西以南為北乘車來者折其軸騎馬來者掩其目步行來者腫其足揚兵來者當自伏不敢起明星北斗却敵萬里追我者亡覓我者止牽牛織女化成紅海急急如律令

呪訖便使左手下算開馬步閉炁而去

玉女呪

玉女天神至矣永與我侍行到於某處香冥冥真觀其形人不聞其聲鬼不見其精善我者福惡我者殃鬼賊當我者死值我者亡十人萬人見我喜悅急急如律令

呪訖即出便須閉門之法左手持刀畫地斷之閉氣而去


局法

室內六尺庭中六步門外六十步野外六百步或六里每臨出行當呼向上玉女來護我無令百鬼傷我人莫見我見者為萊薪獨開我門而閉他戶

都呪

吾自是天日天相逐精若雷電明耀八極徹視表裏無物不伏急急如律令

禹步罡



無言法

六丁無言萬一法亦云軒轅訣也先須焚香淨水滌穢氣方乃開卷稽祝看之昔有道士張群志慕道術積修數載慕其清虛閑閑仙秘忽於丁丑夜二更以來於開庭月下立忽見西南方有雲五色而見漸近雲中有步隊之聲目忽有一女子云六丁玉女丁丑女也群乃長跪稽首禮之女曰子久慕仙道知子清潔少慕幽玄故來傳汝學道妙門奈汝無仙分但汝齋戒百日設錦帳於淨室內齋戒百日滿後再來示汝之法群乃清齋百日

錦帳於淨室內了夜三更時依前亦從南來
 隊仗雲中來至先見二童子捧一金函言奉
 修行術群遂受得金函言是六丁經三卷上
 卷說祭醮之法中卷說玉女隱形之術下卷
 說飛身藏形劍少女選精遁甲六壬之仙女
 曰子無仙分但備修此法三年後可為地下
 頑仙夫人壽一千二百歲為頑仙此文是上
 天秘訣莫非君子宿有道不可知也法曰如
 欲修隱形之法須仁慈救物如修劍法并俠
 仙法則為人正直去財色為人猛烈獨行愛
 正修行應慈悲修一年便有功也如修少女還
 精之法即須為人平等孝順心慈勿行欺矯
 當行一年事乃成矣得壽千歲亦可為頑仙
 張群修之傳與鬼谷子修之不三年千變萬
 化莫之聖也後世人修法莫不心有道緣中
 人以上方可得聞也若人遇此秘法術為人
 劣凡解隱形已是劍俠一半也凡須使成須
 成為人忠孝有恩有義不可欺負人斬邪歸
 正先須知隱形之後於一室之內安牀焚香
 潔淨不得有別人往來起卧先於牀前鋪枕

齋戒焚香淨水存思解穢供養六丁玉女祭
 醮祭過丁日夜於床上坐定閉目存想牀為
 印案一而西為頭身帶六丁玉女印其印是
 九天玄女管係玉女之印也存印法先存東
 北印丁卯玉女立於印角手執青蛇之劍次
 丁巳玉女在東南角手執或黃或白蛇之劍
 次存西南印丁未玉女立在印角手執或白
 或黃之劍次存西北印丁丑玉女立在印角
 手執或黑或黃之劍次存丁酉丁亥玉女立
 在左右手執或青或黃蛇之劍存想畢低聲
 念呪一百八十遍訖却身邊丁酉丁亥玉女
 從鼻中直入心中鼻為人門次存東北角丁
 卯玉女從左耳中直入東南角先次丁卯次
 西南角丁未次西北角丁丑次丁酉丁亥在
 身邊亦在印上直入心內左耳為風門次存
 印東南角丁巳玉女右耳直入心內右耳為
 鬼門次存印西南角丁未玉女從口中直入
 心內口為地戶次存印西北角丁丑玉女從
 兩目直入心內目為天門各存思訖凡行住
 坐卧須常帶印在左手不得離身或大小

二事解下印安在淨處回來洗手却帶印了
 如夜夢上山入水相煞斬人或見女子在邊
 傍切勿驚怖此是玉女降身也

九天玄女印式

用龍鬚木安於水盆內其木自浮動者為
 真遇甲子日焚香自己剋之勿令人見切宜
 慎之印式于左





丁卯玉女符



右玉女名文伯字仁高左手摩孩子頭其
 孩子不着衣

丁丑玉女符






五女名文公字仁貴右手二指舉三指展

丁亥玉女符




右玉女名文通字仁和左手把兩指舉三指展

丁未玉女符




右玉女名叔通字仁富左手把鏡右手把蓮花

丁巳玉女符



右玉女名庭卿字仁叔右手把扇如揮印

丁酉玉女符



右玉女名文卿字仁修直身者着手乘服彩霞

修真得尸解法可於世無礙不爾未可棄道乎兼要務此法但霧化身爾乘服彩霞歸太極胎息陰經曰內息無名唯行相成若不遵戒行入胎息未得合真太微隱書曰凡胎息遊於人間行尸解隨所化者當庚辰日取辰時於淨室內焚香一爐於床頭邊設几案上著香爐杜杖鞋履蓋物並置於床頭邊身衣下解以衣覆蓋其面而向西而卧自存念作凡人陰念呪七徧呪曰

天上玄靈受自生靈七思七召三魂隨迎代予之形形隨物化應化而成急急如律令呪畢但依常睡又存思一食久切不可與人通語話則法不成志心依法修四十九日漸漸法成或時要用行住坐卧默念此

呪隨手提物便急回身別人而去眾人只見其所提之物是某身已死矣後却見物歸本形此隱法可以下界助道尸解易形逃難不可輒便行非法之事凡欲修身切須靜默隱不得漏泄若卧在床但以被覆蓋其身默念呪七徧便起出門人只見所卧上衣裳自己身不被形若以欺取財色神明消折大道不許千萬記之勿得亂傳宜敬之秘之

後序

黃帝曰六丁五女神能長能短能有能無處心占而問之萬事從心亦占千里身萬里消息若與物任意所為並皆立至矣此法過者令人宅清吉五毒災難不近求仙得仙求官得官子孫興旺不衰微細並皆得之若要使時雨下人間當直欲要知凶吉占而問之必有神驗矣丁丑玉女神事如君王法慎勿口傳勿惡語罵辱之但祭而度之先知未來之事意察萬里之驗委曲書信之意旨也或有急難口舌之事皆召而問之可知之矣夫

學道者不遇此法無以得成矣古者各將遠士不廢者皆得此文祭而祀之並得仙也此法貴重萬金不傳父子不相視真秘文之妙訣耳

靈寶六丁秘法

魁星六鎖秘法

天地變易第一

五四

欲要知天地變易晝夜不分暈晦飄黑風黃沙推山拔樹日月不見星宿無光可使白絹三尺書陷天待念混天咒置於山上無人淨境西北正立高峯符呪一百徧擲符於地一手指天呼連字三聲立便下山不得返顧須臾狂風四起人面不分只聞雷鼓之聲高低平蕩河海俱平此術一用不可再行恐損生靈凡遇劫盡用之從來劔仙爭占洞府俱用此法不可試於俗士混天呪曰

攝天都使太一雷君風伯雨師雷電掌籍司官速使六丁六甲大力天神祛攝毒龍並起法門指山摧指海枯吾奉九天上帝敕

九天陷天符



移天換宿第二

凡欲移換宿大星奔落小星移位南斗不見

北斗伏藏先須持誦威天大法神呪千遍又於中庭內夜靜用酒果香燈三十三天位牌上書天人姓名供養畢依然有文餘大人影各依位上見不得驚動但只款款言曰吾奉三十三天帝君命汝等日夜不離持之門但逐位上名字用絳紗袋盛之隨身勿令人見過有用時只於袋中取一名字香上度過向使者星靈擲姓名三徧呼落字七聲不得放姓名恐後來難使如兩陣軍前乃可用之佐國扶家立置太平之國人常見星宿變易方知主聖臣賢盡昏心歸非常不得輕

三十三天聖位

- 第一天人初耶漢樞
- 第二天人初沙隱那
- 第三天人初羅屈京
- 第四天人梵商樞機
- 第五天人梵沙仲伯
- 第六天人梵化津商
- 第七天人金梵初沙
- 第八天人梵元初道